

Sorumutuk Konsellu Ministrus nian loron 29 fulan-Juñu tinan 2020

Prezidénsia Konsellu Ministrus

VIII Governu Konstitusionál

Komunikadu Imprensa

Sorumutuk Konsellu Ministrus nian loron 29 fulan-Juñu tinan 2020

Konsellu Ministrus hala'o sorumutuk iha Palásiu Governu, iha Dili no aprova teto Orsamentál ho valór dólar amerikanu millaun 1,492.3 ba Orsamentu Jerál Estadu (OJE) ba tinan finanseiru 2020. Prioridade sira ne'ebé defini ona ba OJE 2020 nian maka: estabilizasaun ba setór sosiál ho foka ba saúde, edukasaun, formasaun, bee no saneamentu; estabilizasaun ba setór ekonómiku ho foka ba promosaun investimentu ba setór privadu, kriasaun ba empregu, ba agrikultura, no ba seguransa alimentár no ba polítika makroekonómiku, reforma ba administrasaun públika, ekonomia, sistema judisiáriu no jestaun ba finansa públika. Bazeia ba prioridade hirak ne'e, 33,8 % hosi valór totál OJE sei aplika ba setór sosiál (8% ba edukasaun, 15% ba protesauun sosiál, 11% ba saúde) no 48,5% ba dezvoltamentu ekonómiku no infraestruturá (inklui medida ba estabilizasaun ekonómika iha ámbitu KOVID-19 nian).

Membru Governu sira aprova tiha mós kalendáriu atu halo preparasaun ba OJE 2020 no 2021. Projetu hosi Proposta Lei ida-ne'e sei aprova iha Konsellu Ministru iha loron-26 fulan agostu no sei submete ba Parlamentu Nasionál hahú iha loron-15 fulan setenbru.

Kona fali ba kalendáriu ba OJE 2021 nian, preveé tiha katak Konsellu Ministru bele apresia Proposta lei ne'e iha loron-25 fulan setenbru no sei submete ba Parlamentu Nasionál to'o loron-15 fulan outubru.

Remata